



## **PRESS SECRETARIAT**

**MINISTRY OF THE PRIME MINISTER & CABINET**  
**Apia, Samoa**

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: [pressecretariat@samoa.ws](mailto:pressecretariat@samoa.ws)

**Press Release**

**4 April 2008**

### **1. Lipoti mo le:**

- i. Faaaliga Oloa a le Pasefika 2008.**
- ii. Fono i Miami, Florida 2008.**

Ua faamaonia e le Kapeneta le lipoti o le; 1) Faaliga Oloa a le Pasefika 2008, 5 -6 Mati 2008, Aukilani, Niu Sila, ma le; 2) Fono 24 Mataupu Tau Felauaiga ma Fesootaiga Tau Meli Lau Pasese, lea na usua i Miami, Florida mai le aso 10-13 Mati 2008.

**Faaliga Oloa a le Pasefika:** E tele se aoga o leni faaliga oloa mo le atiina 'ae o galuega faatino o le Pulega o Uafu ma Taulaga. Sa faia feutagaina o le Pulega ma nisi o Kamupani sa auai, ma sa maua ai ni manatu ma metotia fou e fesoasoani ai i le faia o galuega a le Pulega. O nei fesootaiga na talanoaina ai le toe faaleleia o le Uafu i Matautu e se Kmupani mai Niu Sila, faatasi ai ma le faailoaina mai o ni masini eli oneone e taugofie atu i le Gogosina Dredge lea o loo faaogaina nei, faapea foi ma le tele o isi masisni ma metotia fou e mafai ai ona atinae le auaunaga a le Pulega mo le lumanai.

**Fono i Miami, Florida:** O leni Fono sa molimauina ai le siitia pea o fuainumera o vaa maimoa faa-turisi i le lalolagi, ma ua fuafuaina e amata i le tausaga fou le tuleiina o atunuu o Asia faapea ma le Pasefika e avea ma nisi mataaga o nei vaa maimoa faa-turisi. Ma o le taimi nei, ua sauni atu le Pulega e faia ni auala e faafeiloai ai vaa maimoa faa-turisi.

O loo iai foi se fuafuaga lumanai a le Pulega ina ia atinaeina ai le Atu Asia faapea ma le Pasefika e faamalosia ai le latou tulaga faa-maketi. O nei tulaga e aofia ai le fausia lea o uafu ia o gatasi ma nei fuafuaga.

O le Pule Sili o Pulega o Uafu ma Taulaga, le Afioga ia Toleafoa Elon P. Betham, sa auai atu i ia faaa liga e lua, faatasi ai ma le Marketing Officer o le Pulega.

### **2. Lipoti o le Malaga a le Komesina o Leoleo Ma Falepuipui.**

Ua faamaonia e le Kapeneta le lipoti o le Komesina o Leoleo ma Falepuipui i le tauaaoina o tusipasi a alii leoleo Samoa e toaono sa aoaoina i le Ofisa o Leoleo Niusauelese (NSW Police) fa'aogaina o uila vili vae, aso 12 – 15 Mati 2008.

Sa tau'aaoina e le Pule o le Aoga Faaleoleo (New South Wales Police Academy) o Chief Superintendent Greg Moore ia tusi pasi o i latou uma e toaono, ma o leni vaega e toaono mai le vasega atoa e toa 20, e aofia ai ma leoleo tietie uila o Niusauelese. O nei leoleo

tietie uila e toaono ua mauuga se tulaga ua oo iai le latou taumafaiga, ma ua iai se tasi ua ausia se tulaga aupito sili ona mauuga e avea ai o ia ma faiaoga (instructor).

Sa faia foi ni faataitaiga ma ua vaaia ai le tulaga faigata sa oo iai le latou aoaoga, e pei o le faatautauia o le ulia i auala aupito sili ona lauleaga, faapea foi ma le faafoeina o le uila i lalo o fasitepu ma le potu masani i le faatautaia o le uila i le taimi o galuega.

Sa faaiuina lenei sauniga i le tuuina mai aloaia o nu uila e ono ua aumai fua e le Ofisa o Leoleo o Niusaelese mo le Ofisa leoleo o Samoa.

O se tasi lenei o vaega o suiga o le faatinoina o galuega a le Matagaluega ua agai iai aua lava le faaleleia o le auunaga mo le mamalu o le atunuu ae faapea i latou o loo aisasi mai i totonu o si o tatou atunuu.

O loo sauni le Matagaluega e faatuina se vaega fou e faaoga ai leoleo “uila vili vae”. O le a amata i maga’ala eseese o le taulaga, luga o taligalu, Matautu agai i Mulinuu, totonu o le maketi ma vaega eseese o totonu o le taulaga e faigata ona o’o iai se taavale. O lenei vaega o le a galulue lava i totonu o le taulaga i le faatonutonuina o taavale afi pe a poloka, o le tali i mataupu vevesi poo se fesoasoani i totonu lava o le taulaga ona o le faitau ititi o numera o taavale o loo faatino ai galuega a le Matagaluega ma le mafai ai i nisi o taimi ona taunuu vave i vaega o loo manaomia ai le fesoasoani.

### **3. Lipoti o le Fono ma Faiga-Faapaaga mo le atiina ‘ae o Tamaoiga o Atunuu Laiti.**

Ua faamaonia e Kapeneta le Lipoti o le Fono ma Faiga-Faapaaga mo le atiina ‘ae o Tamaoiga o Atunuu Laiti (Small Island States Economic Development Network), sa usuia i Malta i le aso 29 Fepuari 2008.

O le Fono lona tolu lea o faiga-paaga a Atunuu Laiti mo le atinaeina o tamaoiga, ma o se taumafaiga ua faapea ona avea ai Samoa ma Atunuu e ono muamua ( Malta, Barbados, Mauritius, Saint Kitts, Vanuatu ma Samoa) sa faapea on sainia aiaiga mo le faavaeina o lenei faamoemoe.

O le auga o lenei faamoemoe o le mafai lea e Atunuu Laiti ona tuuina atu ni auala talafeagai e mafai ona saofaga ai i mataupu lautele o loo faatalanoaina e atunuu tetele o le lalolagi. O lenei sini autu o le a mafai ona faatino i auala o loo taua i lalo:

- i. Avea o lenei tuufaatasiga ma auala e mafai ona soalaupuleina ai mataupu o tamaoiga o nei Atunuu Laiti ma faapea ona fesoasoani ai le isi atunuu i le atiina ‘ae o isi (South-South Corporation);
- ii. Faalauiloaina aoaoga talafeagai e faaogaina ai tomai ma agavaa o loo maua i totonu o nei Atunuu Laiti;
- iii. Tuufaatasia o faamaumauga o tomai ma agavaa o loo maua i totonu o nei Atunuu Laiti;
- iv. Faaogaina o lenei tuufaatasiga ma auala e fesootei ai ma Faletupe o le Lalolagi faapea ai o isi paaga mo atinae;

- v. Avea o lenei auala ma fesoasoani tumau e fesoasoani atu i le Faletupe o le Lalolagi i Atunuu Laiti;
- vi. Faamatuina o le leo o Atunuu Laiti i totonu o Faalapotopotoga a le Lalolagi faapea faalapotopotoga o faapaaga ma Atunuu Laiti;
- vii. Talanoaina, faalauiloaina, tufatufaina ma faaogaina suesuega ma iloiloga faaonapo nei e talia atu ai i mataupui ma faafitauli o loo feagai ai ma Atunuu Laiti.

O le Pule Lagolago o le Vaega o Fuafuaga ma Faiga-Faavae o le Matagaluega o Tupe, le Susuga Benjamin Pereira, sa avea ma Sui o le Malo i lea Fono.

#### **4. Lipoti o le Fono i Sini Ausetalia.**

Ua faamaonia e le Kapeneta le Lipoti o Fono e lua sa ususia i Sini, Ausetalia, faasino i Mataupu Tau Faailoilo mo Fefaatauaiga (Trademarks), sa faia i le aso 11 – 14 Mati 2008.

**Fono Muamua –Trademarks Ragatta, 11-12 Mati 2008:** E silia ma le tolu selau (300) sui usufono sa auai i lenei fono mai atunuu o Asia ma le Pasefika e le gata i Sui o Ofisa Resitara o Faailoilo mo Fefaatauaiga a e faapea foi ma Sui o Kamupani tetele ma Pisinisi iloga i le lalolagi e o latou faailoilo ma fefaatauaiga.

O le auga faamoemoe o lenei fono o le fetufa'ai ai lea o'i latou mai pisinisi umia saoloto ma sui o Ofisa o Malo o loo gafa ma le resitaraina ma le leoleoina o nei faailoilo. I le taimi nei, o loo mamao tele le va o le tulaga o loo i ai le atina'eina o lenei vaega o le tamaoaiga o atunuu tetele ma atunuu laiti e vaivai lo latou tamaoaiga. Ae o le aoga tele o fono faapenei e maua ai le avanoa e fetufaa'i ai ma maua mai ai ni faiga fou ma le talafeagai e faaleleia atili ai lo tatou tamaoaiga.

**Fono Lona Lua – Senior Trade Mark Officials Forum, 13 -14 Mati 2008:** E onosefulu lima (65) Sui o Malo eseese na auai i lenei fono, e aofia ai Samoa, Fiti, Tonga ma Papua Niu Kini o le Pasefika. Sa mafuli le fono i le talanoaina o faiga eseese o loo faia nei e nisi o ofisa tetele o le lalolagi e faafoeina ai le resitaraina ma le leoleoina o faailoilo mo fefaatauaiga ina ia malu le puipuiga o ia failoilo ma ia vave foi le faatinoga o lea galuega.

Ua maitauina le aoga tele o lea faiga i atunuu tetele aua e maua luga le numera o faailoilo resitaraina ma talosaga mo failoilo e fia resitaraina i lea aso ma lea aso.

#### **5. Fono Lona Lua a Sooupu Faavaomalo e faia i Samoa.**

Ua faamaonia e le Kapeneta se vaega tupe e SAT\$8, 800 mo le sauni atu o Samoa e talimalo i le Fonotaga lona Lua (2<sup>nd</sup> Roundtable Meeting) a Sooupu Faavaomalo a Atunuu o le Pasefika ma le Ofisa Autu o le Taupulega (Commonwealth Pacific Points of Contact) e faia i Apia i le tausaga nei.

O le fa'amoemoe o lenei fono e fa'amautu ai le faiga fa'apaaga o atina'e i le va o le Malo Taupulega ma o latou Sui mai le Pasefika faatasi ai ma le lagolagoina o le tiute o Sooupu Faava o Malo a Atunuu mo le Malo Taupulega ma le Pasefika i le fa'atinoga o auaunaga

agai i polokalame a le Commonwealth for Technical Cooperation (CFTC). O le fono muamua sa faia lea i Vanuatu i le aso 7 – 9 Aukuso i le tausaga ua te'a.

E tele se fesoasoani mai le Malo o Taupulega o loo faamanuiaina ai Samoa i le faatupeina o polokalame, faapea ai ma auaunaga faafaufautua i: mataupu tau fefaatauaiga, faatupulaia o avanoa mo maketi fou mo oloa faatau atu i fafo, fetuunaiga ma toe faaleleia atili o auaunaga a ofisa o le malo, faataupulaia ma faamalosia o faiga o faaiuga ma filifiliga tonu ma le sao i auaunaga a pulega ofisa ma Matagaluega, faatupulaia o le faatauaina o le taua tutusa o itupa o tamaitai ma alii, ma vaega o faatupulaia o tulaga o aoaoga ma auaunaga a le soifua maloloina.

## **6. Iugafono a le Komiti Tauofoga**

Ua faamaonia e le Kapeneta le tuuina atu o galuega-faakonekarate mo le tusia o ata, ma le vaavaaia o le fausia o le Ofisa Tutotonu o le Matagaluega o Aoga i le Kamupani a le Irwin Alsop Architects mai Ausetalia.

O le faatinoga o iloiloga o ofo sa faapea ona faatino e se Soa-Komiti e aofia ai Ofisa Sinia o le Matagaluega o Aoga, Galuega, Tupe ma le Ofisa o le Loia Sili, ma e tolu ni Kamupani na tuuina mai a latou tusi mo le tauofoga.

O lenei galuega ua leva ona fuafuaina e le Matagaluega, ma o le a faatino i lalo o se nonoga-tupe mai le Faletupe o Asia.

## **7. Tupe Faaopopo mo le atinae o laina paipa.**

Ua faamaonia e le Kapeneta se faaopoopoga o le tupe mo le ati'ina a'e o le laina o paipa mai le uafu i Apia agai atu i Sogi.

O lenei atinae e lei mautinoa o le a faatino i le tala faatatau o le tupe o loo faagasolo nei 2007/2008, a e ina ua maea feutanaiga atoa ai ma aiaiga o le nonogatupe mai le OPEC o loo faatupeina ai lenei atinae, o lea na toe faagasolo ma faamautuina ai e ao ona amata ma faamae'aina a e lei uma le tausaga nei 2008.

**Government Press Secretariat.**